

uenerint, tum familiaris res augebitur lucris muliebribus, uestibus, aromatis, coloribus exoticis, preciosis mercibus, Quæ tamen his rationibus pepercit aliquis, ea libenter in usus uoluptuarios epularum, & Veneris impendet. Hæ autem profectioes in locis infortunatis repertæ, decernunt iisdem ex rebus, quas supra commemorauimus detrimenta ac malum.

Si Mercurius fuerit administrationem harum profectioes adeptus, ipsæq; inuentæ foelicibus in locis geneseos, aut Mercurij configurationibus, spem faciunt lucrosarum mercaturarum, spondentq; emolumenta fori, scripturarum, rationum, itinerum, artium & ingenij, & ferè uniuersæ rei pecuniariæ. Sed si profectioes in loca infœlicia inciderint, tum metuendum malum ab ijs rebus illorumq; hominum genere, de quo diximus, & quod Mercurius commendatum habet.

Luna uerò cum fuerit profectioes harum dominatrix, ipsæq; profectioes repertæ in domo foelici geneseos, cumq; ad Lunam ipsiusq; configurationes peruenierint, pollicentur lucra quæstumq; ex itineribus, mulieribus, aquis, & aquaticis locis, ac omnibus rebus, quarum Luna commendationem sortita est, metallis argenti, inq; repentinis negocijs. Si autem in loca infœlicia hæ profectioes ceciderint, ex iisdem rebus subita damna significantur.

Non etiam ignorandum harum profectioes partis fortunæ, & domus undecimæ foelicia significata ualde intendi, si cum Capite fuerint, aduersa uerò si cum Cauda. Itaq; his cum capite nihil foelicus est, cum Cauda, nihil infœlicius.

De profectioes Medij cœli, & Solis significatis.



VM hæc profectio peruenerit ad primam domum, tum promittitur fortuna munerum, & functionum publicarum, artificiorum, imperij, accessionesq; amicitiarum, gloriaq; ac dignitatis amplitudo, siquidem hæc nato genesis figura decreuerit, ac etiamsi hoc ipso tempore priuatus adhuc fuerit, magistratum tamen præfecturam ue adipiscetur, neq; ambitione, neq; labore ullo suo.

Cum ad secundam Medij cœli, Solisq; profectio deducuntur, experientur nati fortunam præfecturarum, benignitatemq; regum, ac principum, & artificiorum.

Cum ad tertiam, mediocris fortuna conditionis, & professionis decernitur. Magis tamen metuendum malum, quam sperandum bonum, uidentur tunc orbi futuri patribus, aut amissuri consanguineos.

Cum ad quartam, nihil nisi aduersum expectetur dignitati, & honoribus, tum infamia, & parentum odium timendum, & afflictio metuenda à principibus.

Cum ad quintam, tum uersabuntur cum liberis libenter, & ex illis aliquam capient uoluptatem, ac fructum, amicitias colent, Sed & libidini indulgebunt, quo fiet ut suæ dignitatis, ac loci immemores, damnum flagitiumq; faciant.

Cum ad sextam, tempus prosperum & secundum, faciendis quibuscunq; rebus, negocijs gerendis, familiæ, iumentorumq; usui accommodatis, sed dignitatis, famæ, professionisq; detrimenta, tum labefactionem sentient.

Cum ad septimam, tum famæ professionis, dignitatis, honorum, gloriae speranda amplificatio. Tum & amore implicabuntur nobilium, & splendidioris, quam suum sit, generis mulierum. Amittent autem morte patres, consanguineos ue.

Cum ad octauam, animi erunt tristes, solliciti, anxij, metuenda infamia, & aduersa fortuna, dignitati, ac professioni, infamia, obrectatio, deniq; omnium rerum difficultas, & detrimenta.

Cum ad nonam, tum longa portenduntur itinera, quorum faciendorum causam occas

fam occas